

Bosna i Hercegovina  
Federacija Bosne i Hercegovine  
Zeničko-dobojski kanton

---

**OPĆINA KAKANJ**  
*Služba za privredu, urbanizam  
i zaštitu okoline*



Bosnia and Herzegovina  
Federation of Bosnia and Herzegovina  
Zenica-Doboj Canton

---

**MUNICIPALITY OF KAKANJ**  
*Department of Economy, Urban Land-Use  
Planning and Environment*

**IZVJEŠTAJ**  
**O REALIZACIJI PROGRAMA UTROŠKA SREDSTAVA IZ**  
**BUDŽETA OPĆINE KAKANJ ZA PODSTICAJ RAZVOJA**  
**PODUZETNIŠTVA I OBRTA**  
**ZA 2021. GODINU**

**OBRAĐIVAČ:** Služba za privredu, urbanizam i zaštitu okoline

**PREDLAGAČ:** Općinski načelnik

**RAZMATRA I USVAJA:** Općinsko vijeće

**Kakanj, januar 2022. godine**

U Budžetu Općine Kakanj za 2021. godinu za podsticaj razvoja poduzetništva i obrta odobreno je 566.000,00 KM.

Pored odobrenih općinskih sredstava kroz Program utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu realizovana su i sredstva Fondacije HELVETAS Moja budućnost.

U sljedećoj tabeli dat je pregled utroška sredstava po pozicijama Programa za 2021. godinu.

**Pregled planiranih i utrošenih sredstava (Tabela 1):**

<b>R.b.</b>	<b>Naziv podsticaja</b>	<b>Planirana sredstva (KM)</b>	<b>Utrošena sredstva (KM)</b>
1.	Refundacija troškova registracije novoosnovanih poslovnih subjekata	<b>32.000,00</b>	<b>22.944,95</b>
2.	Projekat „Pokreni svoj posao u Kaknju“	<b>130.000,00<sup>1</sup></b>	<b>111.939,30<sup>2</sup></b>
3.	Projekat „Sufinansiranje troškova zapošljavanja radnika“	<b>80.000,00</b>	<b>81.000,00</b>
4.	Regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj	<b>20.000,00</b>	<b>9.728,85</b>
5.	Sufinansiranje zapošljavanja osoba sa invaliditetom	<b>5.000,00</b>	<b>0,00</b>
6.	Sufinansiranje projekata u saradnji sa međunarodnim i nevladinim organizacijama	<b>50.000,00</b>	<b>20.000,00</b>
7.	Sufinansiranje projekta „Ekonomsko osnaživanje žena kroz obuku krojenja i šivanja“	<b>10.000,00</b>	<b>10.000,00</b>
8.	Saradnja na projektima udruženja privrednika, promocija razvoja poduzetništva i obrta i učešće na sajmovima	<b>22.000,00</b>	<b>22.086,81</b>
9.	Ugovorene obaveze prema korisnicima podsticajnih sredstava iz prethodnih godina	<b>200.000,00</b>	<b>182.157,51</b>
10.	Nabavka stručne literature	<b>1.000,00</b>	<b>986,01</b>
11.	Rezervna sredstva	<b>15.000,00</b>	<b>11.078,29</b>
12.	Naknade iz Programa utroška sredstava iz Budžeta Općine Kakanj za podsticaj razvoja poduzetništva i obrta	<b>1.000,00</b>	<b>948,76</b>
<b>UKUPNO:</b>		<b>566.000,00</b>	<b>472.870,48</b>

<sup>1</sup> Od ukupno opredijeljenog iznosa za projekat „Pokreni svoj posao u Kaknju“ 15.000,00 KM su sredstva Fondacije HELVETAS Moja budućnost, a 115.000, 00 KM su sredstva iz Budžeta Općine Kakanj

<sup>2</sup> Od ukupno utrošenih sredstava za projekat „Pokreni svoj posao u Kaknju“ 10.829,33 KM su sredstva Fondacije HELVETAS Moja budućnost, a 101.109,97 KM su sredstva iz Budžeta Općine Kakanj

**Napomena uz Tabelu 1.** Programom utroška sredstva za podsticaj razvoja poduzetništva i obrta definisano je da, ukoliko se planirani iznos sredstava za određenu vrstu podsticaja iz objektivnih razloga u cjelosti ili djelimično ne utroši, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz Programa.

### **1. Refundacija troškova registracije novoosnovanih poslovnih subjekata**

Podsticajna sredstva sa ove pozicije namijenja su za refundaciju troškova registracije poslovnih subjekata osnovanih/registrovanih u 2021. godinu, a isplaćena su za 54 (pedesetčetiri) korisnika - 10 pravnih lica i 44 fizička lica.

Utrošena su sredstva u iznosu 22.944,95 KM.

### **2. Projekat „Pokreni svoj posao u Kaknju“**

Pravo na dodjelu podsticajnih sredstva namijenjenih za projekat „Pokreni svoj posao u Kaknju“ ostvarilo je 23 nezaposlene osobe koje su registrovale djelatnost i pokrenule vlastiti biznis. Korisnicima podsticajnih sredstava sufinansirana je nabavka mašina i opreme potrebnih za registrovanu djelatnost (registracija obrt-a i srodnih djelatnosti 2.500,00 KM, a za registraciju d.o.o. 3.000,00 KM) i refundiraju se troškovi obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 395,00 KM/mjesec, druga godina 50%, a maksimalno 197,50 KM/mjesec).

Isplaćena su sredstva u iznosu 111.939,30 KM.

Shodno obavezama prema korisnicima (refundacija troškova obaveznih doprinosa) realizacija Projekta se nastavlja u 2022. godini.

Sredstva u manjem iznosu su utrošena iz razloga kasnijeg donošenja budžeta i programa.

### **3. Projekat „Sufinansiranje troškova zapošljavanja radnika“**

Pravo prijave na Javni poziv za ovu vrstu podsticaja imali su poduzetnici i obrtnici (osim trgovine, ugostiteljstva i priređivanja igara na sreću) registrovani na području općine Kakanj, koji redovno izmiruju obaveze po osnovu javnih prihoda i koji su u 2021. godini zaposlili osobu sa završenom SSS, VS ili VSS a koja se prethodno nalazila na evidenciji Biroa za zapošljavanje.

Ovim podsticajem omogućeno je zapošljavanje nezaposlenih osoba sa područja općine Kakanj u trajanju od 12 mjeseci - Općina Kakanj sufinansira bruto plaću radnika na sljedeći način:

- za osobe sa završenom SSS poslovni subjekt je ostvario pravo na podsticaj u iznosu 3.000,00 KM;
- za osobe za završenom VS i VSS poslovni subjekt je ostvario pravo na podsticaj u iznosu 4.000,00 KM.

Podsticajna sredstva se isplaćuju na sljedeći način:

- Prva uplata - 50% od ukupno odobrenog iznosa nakon potpisivanja ugovora sa Općinom i potpisivanja ugovora o radu između poslodavca i nezaposlene osobe;
- Druga uplata - 40% od ukupno odobrenog iznosa nakon 6 mjeseci;
- Treća uplata – 10% od ukupno odobrenog iznosa nakon isteka ugovornog perioda (12 mjeseci).

Pravo na dodjelu podsticajnih sredstava ostvarilo je 17 poslovnih subjekata koji su zaposlili 28 radnika. Utrošena su sredstva u iznosu 81.000,00 KM.

**Napomena:** Obzirom da su ugovori sa korisnicima potpisani u julu 2021. godine treća rata će biti uplaćena u 2022. Godini iz Programa za 2022 godinu.

#### **4. Regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj**

Podsticajna sredstva sa ove pozicije planirana su za regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj. Za kredite od 5.000,00 KM – 50.000,00 KM Općina refundira kamate u iznosu 100%, a za kredite od 50.000,00 KM – 100.000,00 KM u iznosu 50% od ukupno uplaćenih kamata.

Podsticaj je ostvarilo 7 pravnih/fizičkih lica i utrošeno je 9.728,85 KM

Općina Kakanj će korisnicima podsticaja refundirati kamate za cijeli otplatni period (maksimalno 5 godina), pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Utrošeno manje od planiranog iz razloga što se dobar dio prijava odnosio na revolving kredite i lizing što nije moglo biti prihvaćeno.

## **5. Sufinansiranje zapošljavanja osoba za invaliditetom**

Projekat nije realizovan.

Općina je ovaj projekat predhodnih godina realizovala sa pravnim licima koja zapošljavaju osobe sa invaliditetom te je i 2021 godine planirana realizacija. Nažalost iz razloga pojave COVID 19 i drugih objektivnih razloga, na koje Općina nije imala utjecaj, ta pravna lica nisu imala aktivnosti u ovoj godini pa projekat nije realizovan.

## **6. Sufinansiranje projekata u saradnji sa međunarodnim i nevladinom organizacijama**

Općina Kakanj je u saradnji sa Investicijskom fondacijom IMPAKT realizovala Program podrške razvoju poduzetništva „IMPAKT inkubator poslovnih ideja“. Na javni poziv za navedeni Program mogle su se prijaviti osobe sa područja općine Kakanj koje su planirale pokrenuti vlastiti biznis kao i registrovana pravna/fizička lica čiji biznisi nisu stariji od 12 mjeseci a koja su planirala proširiti djelatnost. U sklopu Programa održana je šestodnevna poduzetnička obuka za prijavljene kandidate. Nakon završene obuke 5 kandidata čiji su poslovni planovi najbolje ocijenjeni su ostvarili pravo na podsticaj u iznosu 5.000,00 KM. Odobrena sredstva su se mogla koristiti za nabavku sredstava potrebnih za registrovanu djelatnost. Pored finansijskih sredstava korisnicima će biti osigurana stručna i mentorska podrška. Općina Kakanj je Program „IMPAKT inkubator poslovnih ideja“ finansirala sa 15.000,00 KM.

Sa ove pozicije Općina je sufinansirala izradu UPOK Kataloga – promocija kakanjske privrede – Poslovna strana Kaknja. UPOK Katalog će raditi Udruženje poslodavaca općine Kakanj (UPOK), a u Katalogu će biti predstavljeno do 100 poslovnih subjekata sa područja općine Kakanj (adresa, kontakt info, djelatnost, logo, fotografije poslovnih subjekata i sl). Katalog će sadržavati i informacije o UPOK-u i Općini Kakanj, benefitima ulaganja i poslovanja u Kaknju, te redovnim podsticajima. Katalog ima za cilj potencijalnim investitorima predstaviti Općinu Kakanj kao općinu sa povoljnim poslovnim okruženjem za obavljanje privrednih djelatnosti, zatim upoznati potencijalne investitore sa mogućim budućim saradnicima i partnerima i sl. Navedeni Projekat Općina će sufinansirati iznosom 8.900,00 KM, od čega je 5.000,00 KM uplaćeno u 2021. godini, a ostatak će se isplatiti u 2022. godini.

Općina Kakanj je potpisala i sporazum sa USAID za projekat „Podrška marginaliziranim grupama žena“ koji je trebao biti realizovan u 2021 godini a učešće Općine je trebalo biti 30.000,00KM. Na žalost u 2021 godini nije došlo do realizacije projekta iz nama nepoznatih razloga mada je od strane Općine iskazana spremnost da se isti realizuje.

Ukupno je sa ove pozicije utrošeno 20.000,00 KM.

## **7. Sufinansiranje projekta „Ekonomsko osnaživanje žena kroz obuku krojenja i šivanja“**

Projekat ekonomskog osnaživanja žena se realizovao u saradnji sa Udruženjem žena općine Kakanj „UŽOK“. Ukupno je 22 žene sa područja MZ Kučići pohađalo i uspješno završilo obuku.

Za projekat „Ekonomsko osnaživanje žena kroz obuku krojenja i šivanja“ utrošena su sredstva u iznosu 10.000,00 KM.

## **8. Saradnja na projektima udruženja privrednika, promocija razvoja poduzetništva i obrta i učešće na sajmovima**

Sa ove pozicije sufinansiran je projekat „Ekonomsko istraživački centar“. Projekat je realizovalo Udruženje poslodavaca općine Kakanj (UPOK). Cilj Projekta je stvaranje pretpostavki za ubrzan privredni rast, kvalitetniji poslovni ambijent te aktivnije učešće u formulaciji programa podrške privredi sinergijom javnog i privatnog sektora.

Pored toga plaćeni su troškovi snimanja i emitovanja 8 polusatnih emisija, 10 priloga, 4 reklamna spota i 8 najavnih džinglova u svrhu promocije korisnika općinskog podsticajnog projekta „Pokreni svoj posao u Kaknju“, usluge štampanja Vodiča za investitore i Kataloga slobodnih lokacija – parcela, te troškovi promocije korisnika podsticaja na kakanjskim portalima.

Utrošeno je 22.086,81 KM.

## **9. Ugovorene obaveze prema korisnicima podsticajnih sredstava iz prethodnih godina**

Shodno potpisanim ugovorima podsticajna sredstva sa ove pozicije isplaćena su za 86 korisnika (67 - projekat „Pokreni svoj posao u Kaknju“, 11 - „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“ i 8 – „Sufinansiranje troškova zapošljavanja radnika u skladu sa potrebama poduzetnika i obrtnika sa područja općine Kakanj“ ).

Utrošeno je 182.157,51 KM. Razlog što opredijeljena sredstava nisu u potpunosti utrošena je što su neki od korisnika ranije otplatili kredite, zatim što je Općina sa određenim brojem korisnika projekta „Pokreni svoj posao u Kaknju“ zaključila sporazumne raskide ugovora.

## **10. Nabavka stručne literature**

Za potrebe JU GRADSKA BIBLIOTEKA Kakanj Općina je nabavila struču literaturu iz oblasti poduzetništva (28 knjiga) i utrošeno je 986,01 KM.

## **11. Rezervna sredstva**

Sa ove pozicije plaćena je godišnja članarima udruženja taksista „Zeleni val“ Federalnom udruženju taksi-prijevoznika, sufinanciranje Sajma lokalnih zajednica (organizator Udruženje Drveni klaster „Namještaj i drvo“), izrada Elaborata lokalnih cesta na području općine Kakanj, godišnja pretplata na paket usluga portala akta.ba (pristup podacima poslovnih subjekata, informacija o aktuelnostima iz oblasti poduzetništva).

Ukupno su utrošena sredstva u iznosu 11.078,29 KM.

## **12, Naknade iz Programa „Subvencije za podsticaj razvoja poduzetništva i obrta“ – ugovori o djelu**

Podsticajna sredstva sa ove pozicije utrošena su na angažman stručnog lica za poslove saobraćaja (vanjski saradnik) – usklađivanje i registracija redova vožnje za linijski prijevoz putnika za općinske linije na području općine Kakanj

Utrošeno je 948,76 KM.

## **ZAKLJUČAK**

U Budžetu Općine Kakanj za 2021. godinu za podsticaj razvoja poduzetništva i obrta opredijeljen je iznos od 566.000,00 KM. Shodno tome sačinjen je Program utroška sredstava u kojem su definisane vrste i načini ostvarivanja podsticaja.

Kroz podsticaje predviđene Programom utroška sredstva iz Budžeta Općine Kakanj za podsticaj razvoja poduzetništva i obrta za 2021. godinu pravo na dodjelu podsticajnih sredstava ostvarilo je 106 poslovnih subjekata. Pored navedenog broja poslovnih subjekata iz Programa su se nastavile isplaćivati ugovorene obaveze za 86 korisnika koji su u proteklim godinama ostvarili pravo na podsticaj. Zaposleno je 51 lice koje se prethodno nalazilo na evidenciji Biroa za zapošljavanje (23 kroz projekat „Pokreni svoj posao“ i 28 kroz projekat „Sufinansiranje troškova zapošljavanja radnika“).

Za realizaciju aktivnosti planiranih Programom utrošeno je ukupno 472.870,48 KM (462.041,15 KM iz Budžeta Općine, a 10.829,33 KM sredstva Fondacije HELVETAS Moja budućnost).

**OBRADIVAČ:**  
**Služba za privredu, urbanizam i**  
**zaštitu okoline**

**PREDLAGAČ:**  
**Općinski načelnik**  
**Mirnes Bajtarević**